



Ассаламу аьлайкум, дустал

ХХЯХХА БАРГЪ

Лакрал райондалул кказит. Ита бакълай 96-сса шин.

12+

«ЗАРЯ»

Нюжмар
25 октябрь
2019 ш.


№ 44

www.zaria-online.ru
gazetazary@mail.ru

24 октябрь - ООН-далул кьини

Дакъавугу, мюхчаншивугу дуручлай

ООН дур щала дунияллий ца яла бияла бумур организация. Мунил щаллу бай ч1я-вусса агъамсса масъаларду, паччах1лугъиртгал политикалийн ва маэшатрайн асар биян буллалисса. Ва сакиншиндарал дакъавугу, мюхчаншивугу дуручлай, лич1и -лич1исса паччах1лугъру кунниц1ун -кув даркъуну зузи дай, аьркинсса масъаларду щаллу буллай.



1948 шинал байбивхъуну, ООН-далул кьини гьарца шинал клиц1лагай. Гьашину му клиц1лаглагиссар 72-чин. Гьарца шинал ва кьини клиц1лагансса резолюция ООН-далул Генеральный Ассамблеялул чирчун дур 1947 шинал октябрьданул 31-ний. 1971 шинал 26-мур сессиялий т1урча му байрам дурну дур дунияллул халкъуннал дянивсса. ООН-далул член бухъукун, Аьрасатналгу гьурттушинна дайссар мунил давурттаву.

ООН-далул кьини клиц1лагай муниву гьуртту хъанахъисса 193 билаятрал ва му сакиншиндарашал бавкъуну зузиминналгу, мунил хасъсса учреждениертгалу: ЮНЕСКО, ВОЗ, МАГАТЭ, ФАО, МВФ, МОТ, ЮНИДО ва м.ц.

Сакин дурну дур ООН 1945 шинал, дяъвирдал, политикалул, маэшатрал масъалартту щаллу булланшиврул. Цанчирча, му ч1умал, дунияллийсса паччах1лугъру х1ала дурхсса кли-ва дяъвигу хъуну, миннул бас дурсса, ппив-ххив хъусса ч1ярусса билаятру дирк1ун дур дакъаву ва паракъатшиву дуруччинсса сакиншинна ч1а тлий. Ахиргу, хъуннасса давугу дурну, 1945 шинал апрельданул 25-ний х1адур бувсса ООН-далул Уставрай къулбас-

ру дурну дур июньдалул 26-ний. Мура шинал октябрьданул 24-ний т1урча ратифицировать дурсса грамотардугу диян дурну, махъа-махъсса документругу чивчуну, ООН сакин дуршиврун ккалли дурссар.

ООН-далува ц1акъ бувну бур 6 маз: оьрус, инглис, француз, испан, аьраб ва китаи мазру. Циняв документру ва резолюциярду ми мазурдий итадакъайссар, мукунна отчётру ва стенограммардугу. Ихтилартругу ми мазурдий байссар.

1945 шинал ООН-далувун Белоруссиянал ССР ва Украиннал ССР дурххун дирк1ун дур, цирдалусса паччах1лугъру кунна, му ч1умал СССР-данува дунура. Совет Союзрал 16-гу союзный республикагу духхан дан ччай бивк1ун мукун, И.Сталин къарщи увкун ивк1ун ур.

ООН-далул бюджет щаллу ва сакин байссар муниву духлахисса билаяиртгалу взносирдая. Билаятраца ч1у зеххайссар, муний клира шинал взнос къадуллусса бурж бухъурча. 2015 шинал январьданул 12-нин мукунса билаятру дирк1ун дур 13.

ООН-далул Мюхчаншиврул Советравун мудар духхай ххюра паччах1лугъ: Аьрастанал Федерация, США, Великобритания, Франция, Китай.

К1улушац1рал сельсовет» МО-рал депутатътурал собраниелул х1укмурду

17 октябрь 2019ш. №16

Даву къадитавриясса ва «К1улушац1рал сельсовет» МО-рал бак1чинал къуллугърая итаакъавриясса Н.Р.Юсуповлул аьрза ххалбивгъуну, «К1улушац1рал сельсовет» МО-рал депутатътурал собраниелул

х1укму бувни:

Лакрал райондалийсса «К1улушац1рал сельсовет» муниципал сакиншиндарал бак1чи Юсупов Нурагтин Рашидлул арснал даву къадитаву къамул дан ва му зузисса къуллугърая итаакъин 2019 шинал октябрьданул 4-ния гихунай.

Шапиев З.З.,

«К1улушац1рал сельсовет» МО-рал депутатътурал собраниелул председателъшиву дуллалима.

17 октябрь 2019ш. №17

Бувч1авуртту дансса ч1ун ккаккан даврия ва «К1улушац1рал сельсовет» МО-рал бак1чинал къуллугърайнсса кандидатътал лич1и бансса конкурс баян баврия

Шяраваллил поселениелул Уставрайн ва «К1улушац1рал сельсовет» МО-рал депутатътурал собраниелул 2015 шинал майрал 26-ний бувсса «Об утверждении Положения о порядке проведения конкурса по отбору кандидатур на должность главы МО «сельсовет К1улушацкий» Лакского района РД» т1исса №4 х1укмулул 3-мур бак1рал 19-мур пунктрал 1-мур подпунктрайн, 20-мур пункттрайн бувну, мукунна шяраваллил поселениелул бак1чи даврия укълъаву къамул дурну, депутатътурал собраниелул заседениелул

Х1укму бувни:

1. Бувч1авуртту дансса ч1ун ккаккан дан ва Дагъусттан Республикалийсса «К1улушац1рал сельсовет» муниципал сакиншиндарал бак1чинал къуллугърай зун ччиминнал кандидатурартту лич1и дансса конкурс баян бан:

2.2. Ккаккан дан:

-конкурсраву гьуртту хъунсса документру къамул буллай байбишинсса кьини ва ч1ун -27 октябрь 2019 шин, 9.00 ссятра 18.00 ссят хъуннин, ахттайнссаннул перерыв 13.00 ссятра 14.00 ссят хъуннин;

-конкурсраву гьуртту хъунсса документру къамул буллаву къуртал дансса кьини ва ч1ун -17 ноябрь 2019 шин, 18.00 ссят шайхту.

Документру къамул буллансса кланттул адрес: Республика Дагъусттан, ш.Гъумучи, Сурхайханнул клич1иравалу, къатта 21, конкурсрал комиссиялул председателънахъхъун.

2.3. Конкурсрал цалчинмур щач1ану бан 2019 шинал ноябрьданул 17-ний ссят 11-ний шяраваллил администрациялул къатраву конкурсрал комиссиялул заседаниелий.

2.4. Конкурсрал клилчинмур щач1ану ва шяраваллил поселениелул бак1чи увч1аврил х1акъиравсса «К1улушац1рал сельсовет» МО-рал депутатътурал собраниелул заседание дан 2019 шинал, ноябрьданул 27-ний шяраваллил администрациялул къатраву.

2.5. «К1улушац1рал сельсовет» МО-рал бак1чинал къуллугърай зунсса кандидатурартту лич1и дансса конкурс даврил низамраясса Положениелул 4-мур бак1райн бувну, «К1улушац1рал сельсовет» МО-рал депутатътурал собраниелул 2015 шинал майрал 26-ний бувсса №4 х1укмулул ц1акъ дурсса конкурсрал шарт1ру рищун шяраваллил сайтрай ва Лакрал райондалул администрациялул сайтрай «Бувч1авуртту» т1исса бут1луву.

(Ахир 2 лаж.)

2.6. Шяраваллил поселениеул бак1чинал къуллугърайнс-са кандидатуратту лич1и дансса конкурс даврил низам-раясса Положениелул 2-мур бак1рал 7-мур пунктрац1ун бавкъуну, комиссиялул члентурал сиях1рал дач1и ц1акъ дан укунсса:

- 1)Ц1аххаев Рамазан Ц1аххайлул арс;
- 2)Амиров Дажа Исмаиллул арс.

2.7. Х1укмулул копия гъан бан «Лакрал район» МР-данул бак1чинач1ан, конкурсрал комиссиялул к1илчинмур бач1и щаллу баншиврул.

**Шапиев З.З., председательшиву дурма,
«К1улушац1рал сельсовет» МО-рал депутатътурал
собраниелул депутат.**

17 октябрь 2019ш. №18

«К1улушац1рал сельсовет» МО-рал бак1чинал буржру тапшур баврия

Шяраваллил поселениелул администрациялийн тапшур бувсса мурадру «К1улушац1рал сельсовет» МО-рал ц1усса бак1чи увч1иннин биттур булланшиврул, «К1улушац1рал сельсовет» МО-рал депутатътурал собраниелул

х1укму бувни:

3.1.Лакрал райондалийсса «К1улушац1рал сельсовет» муниципал сакиншиндарал бак1чинал буржру щаллу буллалаву тапшур дан М.М-Ж. Мах1аммадовлуйн.

**Шапиев З.З., председательшиву дуллалима:
«К1улушац1рал сельсовет» МО-рал депутатътурал
собраниелул депутат.**

«К1улушац1рал сельсовет» МО-рал депутатътурал собраниелул заседаниелул протокол

ш.К1улушац1 17 октябрь 2019ш.

Председательшиву дурма -Шапиев Загир Зайнуттиннул арс.

РД-лийсса Лакрал райондалул «К1улушац1рал сельсовет» МО-рал депутатътурал собраниелул заседаниелий бия укунсса депутатътал:

- 1.Аблишаев Эмран Х1ажинал арс
- 2.Х1ажиев Нурмах1аммад Исмаиллул арс
- 3.Къурбанов Арсен Х1асаннул арс
- 4.Мах1аммадов Мах1аммад -Жараби Мух1синнул арс
- 5.Шапиев Загир Зайнуттиннул арс.

Бакъая:

- 1.Х1ажиев Сиражуттин Сулайманнул арс.
- 2.Ибрагъимов Аблибаг Аьвдурах1иннул арс.

Оьвкуну бувк1ми:

Ххалбивгъусса масъаларду:

1.Лакрал райондалийсса «К1улушац1рал сельсовет» МО-рал бак1чи Юсупов Нураттин Рашидлул арснал къуллугъ къабитаврил масъала къамул баврия.

2.Лакрал райондалийсса «К1улушац1рал сельсовет» МО-рал бак1чинал бувч1авуртту дансса ч1ун ккаккан даврия.

3. «К1улушац1рал сельсовет» МО-рал бак1чинал буржру тапшур баврия.

1.Цалчинмур масъала:

«Председательшиву дуллалима: «К1улушац1рал сельсовет» МО-рал бак1чи Юсупов Нураттин Рашидлул арс увч1унни, яхъанан ц1усса кланайн излай ушивруц1ун бавх1уну цала даву къадитлатаврия ва къуллугърая мурахас авриясса аьрза чивчуну.

Аьчухну ч1урду буллуну, ч1урду бивчунни 5-нал.

Даву къадитаву къамул бувни 5-нал. Къарщину цуч1ав акъая.

Н.Р.Юсуповлул цала даву къадитавриясса ва «К1улушац1рал сельсовет» МО-рал къуллугърая мурахас авриясса аьрза ххалбивгъуну, «К1улушац1рал сельсовет» МО-рал депутатътурал собраниелул

х1укму бувни:

1.1. Лакрал райондалийсса «К1улушац1рал сельсовет» МО-рал бак1чи Юсупов Нураттин Рашидлул арснал даву къадитаву къамул дан ва му 2019 шинал октябрьданул 4-ния тихунай зузисса къуллугърая укбан ан.

2.К1илчинмур масъала:

Председательшиву дуллалисса З.З.Шапиевлул к1иц1лавгунни, «К1улушац1рал сельсовет» МО-рал Уставрайн ва «К1улушац1рал сельсовет» МО-рал депутатътурал собраниелул 2015ш. майрал 26-ний бувсса х1укмулул ц1акъ бувсса «Положение о порядке проведения конкурса по отбору кандидатур на должность главы МО «сельсовет К1улушацкий» Лакского района РД-лийн» бувну, жунма аьркинну бушиву шяраваллил поселениелул бак1чинал бувч1авуртту дан.

Ихтилатру бувсса депутатътал Э.Г.Аблишаевлул,М.-Ж.М.Мах1аммадовлул, З.З.Шапиевлул барчаллагъ куна Н.Р.Юсуповлухъ мунал дуррсса даврихлу ва маслих1ат бувна шяраваллил поселениелул бак1чинал бувч1авуртту дан.

Аьчухну ч1урду буллуну, укунсса х1асиллу хъунни:

Шяраваллил поселениелул бак1чинал бувч1авуртту даврихлу - 5 ч1у, къадаврихлу - бакъар.

Шяраваллил поселениелул Уставрайнгу, 2015 шинал майрал 26-ний «К1улушац1рал сельсовет» МО-рал депутатътурал собраниелул бувсса «Об утверждении Положения о порядке проведения конкурса по отбору кандидатур на должность главы МО «сельсовет Кулушацкий» Лакского района РД» т1исса х1укмулул 3-мур бак1рал 19-мур пунктрал 1-мур подпунктрайн, 20-мур пунктрайнгу бувну, шяраваллил поселениелул бак1чинал даву къадитавугу къамул давриц1ун бавх1уну, депутатътурал собраниелул заседаниелул

х1укму бувни:

1.1.Бувч1авуртту дан ккаккан бан ва Дагъ-усттан Республикалул Лакрал райондалийсса «К1улушац1рал сельсовет» МО-рал бак1чинал къуллугърайнсса кандидатурарду лич1и дансса конкурс баян бан:

2.2.Ккаккан дан:

-конкурсраву гьуртту хъунсса документру къамул буллай байбишинсса кьинигу, ч1унгу - **2019 шинал октябрьданул 27-ний** ссят 9.00 ния 18.00 хъуннин, ахттайнсса дукансса перерыв - ссят 13.00ния 14.00 хъуннин;

-конкурсраву гьуртту хъунсса документру къамул баву къуртал дансса кьини ва ч1ун - **2019 шинал ноябрьданул 17-ний** ссят 18.00-ний.

Документру къамул буллансса адрес ккаккан дан: ш.Гъумучи, Сурхайханнул к1ич1иравалу, къатта 21, конкурсрал комиссиялул прдседательнайн.

2.3. Конкурсрал цалчинмур щач1ану бан **2019 шинал ноябрьданул 17-ний** ссят 11-ний шяраваллил администрациялул къатраву конкурсрал комиссиялул заседаниелий.

2.4.Конкурсрал к1илчинмур щач1анугу, «К1улушац1рал сельсовет» МО-рал депутатътурал собраниелул шяраваллил поселениелул бак1чи увч1инсса заседаниегу дан **2019 шинал ноябрьданул 27-ний** ссят 11-ний шяраваллил администрациялул къатраву.

2.5. «К1улушац1рал сельсовет» МО-рал депутатътурал собраниелул 2015 ши-

нал майрал 26-ний бувсса №4 х1укмулул ц1акъ бувсса «К1улушац1рал сельсовет» МО-рал бак1чинал къуллугърайнсса кандидатурарду лич1и дансса конкурс даврил низамраясса Положениелул 4-мур бак1райн бувну, Конкурсрал шарт1ру рещун шяраваллил официальный сайтрай ва Лакрал райондалул администрациялул сайтрай «Бувч1авуртту» т1исса бут1луву.

2.6. Шяраваллил поселениелул бак1чинал къуллугърайнсса кандатурарду лич1и дансса конкурс даврил низамраясса Положениелул 2-мур бак1рал 7-мур пунктрайн бувну ц1акъ бан комиссиялул члентурал бач1и, укунсса инсантал:

- 1)Ц1аххаев Рамазан Ц1аххайлул арс;
- 2)Амиров Дажа Исмаиллул арс.

2.7..Х1укмулул копия гъан бан «Лакрал район» МР-данул бак1чинач1ан, конкурсрал комиссиялул к1илчинми бач1и щаллу баншиврул.

3.Шамулчинмур масъала:

Председательшиву дуллалисса З.З.Шапиевлул к1иц1лавгунни, шяраваллил поселениелул ц1усса бак1чи увч1иннин шяраваллил администрациялин тапшур бувсса масъаларду щаллу булланшиврул, шяраваллил поселениелул Уставрайн бувну, жунма багълай бушиву шяраваллил поселениелул бак1чинал буржру щий бунугу бишин.

Аьчухну ч1урду буллуну, «К1улушац1рал сельсовет» МО-рал бак1чинал буржру М.М-Ж.Мах1аммадовлуй бишаврихлу ч1урду буллунни 5-нал, къарщину -щилч1ав.

«К1улушац1рал сельсовет» МО-рал бак1чи ц1усса увч1иннин шяраваллил поселениелул администрациялин тапшур бувсса масъаларду щаллу буллан, «К1улушац1рал сельсовет» МО-рал депутатътурал собарниелул

х1укму бувни:

3.1.Лакрал райондалийсса «К1улушац1рал сельсовет» МО-рал бак1чинал буржру биттур баву тапшур бан М.М.-Ж.Мах1аммадовлуйн.

**Шапиев З.З.,
председательшиву дуллалима:
К1улушац1рал сельсовет» МО-рал
депутатътурал собраниелул депутат.**

Лакку мазрал диктант

Октябрьданул 19-ний Мах1ачкъалаливсса «Аьрасат - ттул таварих» т1исса таварихрал паркраву чирчунни лакку мазрайсса диктант. Му чичаву сакин дурну дия Лакрал миллатрал советрал, Абли Къаевлул ц1анийсса дагъустаннал таварихийсса жамятрал ва Лакрал жагьилтурал сакиншиндарал цач1у.

Сакиншинначитурал щак бия, ва диктантрайн лак ч1явусса къабуч1анссар, т1исса. Амма лакрал ми ххари бунни, мах1атталгума бунни. Диктантрайн бувк1ун бия 400-ная ливчусса лакрал инсантал. Цахъи махъ х1исав-ккал дурминнал бусаврин бувну, ми 500-наялгума ч1явусса хъуну бия. Зал бувц1уну, щябиклансса кланттурду бакъа, залданувун бувч1ун нанисса ччурттурдайгума щябивк1ун чичлай бивк1ун бур.

Диктант чичин бувк1ун бия Мах1ачкъалаливсса, Къизилюртраясса, цайми шагъурдайсса лак, Ц1усса-лакрал, Лакрал районнаясса делегациярду. Му кьини лакку мазрай диктант чичлай бивк1ун бур Московливсса, Санкт-Петербурграйсса, х1атта Нью-Йоркрайсса, цавайннал бувсусса куццуй



-Дубайливсса (ОАЭ) лаккума.

Диктант дайдишиннин, залдануву итадаркъуна лакрал гимн - «Агъ, ттул буттал клануй, Лакку билаят!» Бавц1уну, муних вич1игу дирхъун, яла байбивхъуна диктант чичлай.

Диктант чичин лавсун бия лакрал шаэр М-З. Аминовлул чивчусса «Ниттил маз» т1исса луттиравасса парча. Лакку мазрайсса диктант

чичин бувк1ун бия Дагъустаннал жагьилтурал иширтталсса байсса Министр Камил Саидов, РФ-лул искусствордал лайкъ хъусса зузала, республикалул хал-

кьуннал артист, пианист Хан Баширов, РАН-далул ДНЦ-лул мазурдил, литература-лул, искусствордал институтрал лексикологиялул ва лексикографиялул отделданул элмурдал хъунма зузала, филологиялул элмурдал доктор Иса Абдуллаев, студентътал, дуклаки оьрч1ру, хъуними, интеллигентътал...

Жула райондалиягу му диктантрайн лавгуна цап-
(Ахир 3 лаж.)

Форумрай гьуртту хьунни

Райондалул делегатътал октябрьданул 16-ний гьуртту хьунни «OPEN DAGESTAN 2019» тӀисса, дазул къатӀа-тумигу гьуртту хъанахъисса туристурал форумрай. Му форум хьунни 16-19 октябрьданий МахӀачкъалалив «Аьрасат - ттул таварих» тӀисса таварихрал паркраву.

Форумрайн бувкӀу-нал, миллатирттал кунна, на республикалул БакӀчи лакрал тӀюва, миллатрал В.Васильевгу, РД-лул Хал-дукиярдугу, ичӀаллил

гьунар ва жула республикалий туристурансса ва маэшат лавай бансса давуртту дачин дан арцу дишин ччиминнансса луртан цукунсса дурив.



къуннал Собраниелул председателнал заместитель Елена Ельниковагу, РД-лул ХӀукуматрал председателнал цалчинма заместитель А.Карибовгу, РД-лул туризмалул ва халкъуннал художестволул саньятирттал министр Расул Ибрагимовгу, РД-лул культуралул министр Зарема Буттаевагу, цайми министерствордал ва ведомствордал зузалтгу, туристшиврул бизнесрал вакилталгу, чӀявусса цайми халкъгу.

Жула делегациялул гикку дурну дия, цайми район-

къайгу дирхьусса. Шикку тамашачитураца ххал дан бюхълай бия хъхъичӀла лакрал цукунсса канил пишарду, саньятру диркӀссарив: къалайчишиву, заргалшиву, ярагъуннил устаршиву...

Миллатирттал тӀюварду ххал дан гъан хьуна В.Васильевгу, урувгуна миннал ичӀаллил къай-къуйлух, чӀюлушиннардах, саньяткартурал дурмуних, миллатирттал дукиярдах ва цайми-цайми затиртта. Мукунма ванал ххал бувни пагъламантурал (канатоходцы)

Миллатрал проект «Хъуними»

2019 шиная байбивхьуну 2024 шинайнин шурушсиса Аьрасатнал миллатрал «Демография» проектравун духлай дур, «Хъуними» («Старшее поколение») тӀисса федерал проектгу.

Мунин бувну пенсиялин буккан 5 шин лирчӀсса гражданинтураца бюхълай бур цӀанасса чӀумал оьрмулуву ишласса, тӀалавшин дусса пишарду лахъхъинсса курсру уквa буккин. Мукунминнан аьркинссар агъали давурттал щаллу бавриха зузисса центрданийн бучӀан.

Агъалинан социал къуллугъру буллалисса центрдачӀа сакин бувну буссар мукунма бугъараминнан кумагру бансса, 65 шинаяр ххишаласса шинну хьуми медициналул идарарттайн буцланса бригадарду.

Республикалий кунна, районнайгу дайдирахъунни пенсиялин буккан чӀун гъан хьусса инсантал уквa дуккин бансса цамур журалул пишарду лахъхъин бансса давуртту.

«Хъуними» проектрал лагрулийсса дуккин баврил программарду зий дайдирахъунни республикалий цалчин. Мукун, гъашину уквa дуккин бан, цӀусса пиша лахъхъин ккаккан бувну бур 800 инсаннан. Шанма зурул мутталай миннан лахъхъин бантӀиссар интернетрацал, компьютердануцал зун, цала бивкӀмур пишалул магьиршивуртту ларай дуллан ва м.ц.

Му бакъассагу, миннан лахъхъинтӀиссар цала пишалул къюлтӀшивуртту хъирив наниминнан лахъхъин даврил методика.

ЦӀанасса чӀумал дуккаву най дуссар 15 дуккавил площадкалий. Дарсирдайн бучӀан къашайминнахъ онлайн журалул дарсру дихълантӀиссар.

ЦЗН



Лакку мазрал диктант

пара учительтал ва культуралул зузалт. Хъунмасса делегация бувкӀун бия МахӀачкъалалал чӀаравсса ЦӀуссалакрал шяраваллава: МР-данул бакӀчинан кланайма ХӀ.ХӀажиев, педагогикалул ва культуралул зузалт, РД-лул НС-лул депутат А.Амирханов, райондалул прокурор Светозар Оьмаров, жагъилтурал чулуханнайсса политикалул специалист М.Акаев, муниципалитетрал цайми къуллугъчитал.

40 минутӀ хьуна диктант сценалия ккалай, залданувунминнал чичлай. Яла, дартӀуну, ми ххал дуллан бивкӀуна 30 инсан усса комиссия. Муниву бия Дагъусттаннайсса лакку мазрал учительтурал ассоциациялул ва лакрал миллатрал советрал вакил-

тал.

Чирчусса диктантру ххал дуллалиссаксса, сценалий концерт ккаккан дуллан бивкӀуна Лакрал музыкалул -драмалул А.Къапиевлул цӀанисса театрданул артистал, РахӀима Сулаймановал каялушиву дуллалисса ансамбль «Салам».

Диктантрайн бувкӀминнан шикку дурну дия халкъуннал творчестволул выставка, лакрал миллатрал дукиярду, К.ЧутӀевлул риршусса зунттал халкъуннал оьрму, ичӀаллил багъу -бизу чӀалачӀи буллалисса сура-тирттал выставка.

Мукун, диктантрал чачӀун бувсса лак ливчӀуна паркираву сайки ссят 17 хьуннин. Таварихрал паркирай каялушиву дуллалиминнал

заместитель Исмаил Ханмирзаевлул бувсуна, ва я цалчинсса, я махъа-махъсса укунсса даву дакъашиву «Аьрасат - ттул таварих» паркираву дуллалисса, укуннасса ва цайми давуртту гихуннайгу дуллантӀишиву цайми миллатирттацалгу. Диктантругу ттигу мудан дуллантӀишиву.

Концерт къуртал шайху, сценалия бувсуна диктантрал хӀасиллу цукунсса хьусарив, кӀицӀлавгуна «5»-нийн чирчуминнал цӀарду. Миннавух бия жула райондалияссагу.

Лакку мазрал дикантрайн бувкӀсса циняннан дуллуна гьуртту шаврихлу барчаллагъ тӀутӀисса А.Амуттиновлул чулухасса граматарду.

Жул корр.

Учредитель:

Администрация
МР «Лакский район».
Учредитель:
«Лакрал район»
МР-далул
администрация

Главный редактор

М. М. Мусалаев
Ответственный секретарь
К. М. Курбанов
Корреспондент
К. М. Курбанов

Опер. комп. набора

Р. И. Джалаева
Тех. редактор
А. М.-Р. Абакаров

Адрес редакции, издателя:

368360, Республика
Дагестан, Лакский район,
с. Кумух, ул.
Сурхайхана-1, 96

Газета набрана
и сверстана на
компьютерной базе
редакции газеты «Заря»
и отпечатана в ГАУРД
«Издательский дом»
«Дагестан»
Адрес:
г. Махачкала,
пр. Насрутдинова, 61.

Срок подписания
в печать 17.00
Подписано в 16.00

Газета выходит
в неделю 1 раз.
Тираж 702 экз.
Цена свободная.

Газета зарегистрирована
Управлением
Федеральной службы
по надзору в сфере
связи, информационных
технологий и массовых
коммуникаций по
Республике Дагестан от
22 августа 2017 г.

Регистрационный
ПИ № ТУ05-00385

Позиция редакции
может не совпадать
с точкой зрения
авторов, которые несут
ответственность
за достоверность
о объективность
представленных для
публикации материалов.

Инвалиднан - сертификат

Дагъусттаннайсса МФЦ-лул филиаллай дуллан бивк1унни ич1аллил шарт1ру ххуй дансса сертификатру 1-мур группалул инвалид-туран ва инвалидсса ьрч1ру бусса куппатирттан.

Фатима Мух1адлул душнин. Сертификатрай дуллусса субсидиялул арцу мунища ишла дан бюхъант1иссар цинна яхъанансса къатри машин ласун ягу ипотекалул (къатри машин ласунсса кредит) цал-



Мукунсса проект щал-лу дуллай бур му тапшур дурсса МФЦ республикалул строительстволул Министрстволушачац1у.

МФЦ-лул филиалданул директор Загьидат Х1амзаевал райондалул администрациялул бак1чи Ю.Мах1аммадовлушач мукунсса сертификат тапшур дурнни 1-мур группалул инвалидшиву дусса Маллаева

чинмур взносну дулун.

Клицларгсса сертификатру ласунсса заяварду МФЦ-лул филиаллаву къамул дуллай буссия июньдалул 1-ния сентябрьданул 1-нин гъашину. Му ппурттуву буллуну бия республикалий 300-ния ливчусса аьрзри. Миннуйн бувну утинин дуллунни 115 сертификат, инвалидтурал ич1аллил шарт1ру ххуй дансса.

Х1урмат бусса инсантал!!!

Дагъусттан Республикалул х1укуматрал 2014 шинал апрельданул 24-ний бувсса №184 ва 2018 шинал апрельданул 19-ний бувсса «О мерах по организации добровольной сдачи гражданами незаконно хранящегося огнестрельного оружия, боеприпасов и взрывчатых веществ» т1исса №33 х1укмурдайн бувну Дагъусттан Республикалул аьрщарай 2019 шинал январьданул 1-ния декабрьданул 31 -нин буллалиссар «Оружие - выкуп» («Ярагъ - машин ласаву» т1исса операция.

Му хъанахъиссар инсантурал цац1авасса закондалуц1ун къабавкъуну ябуллалисса битайсса ярагъ, ккулларду ва п1якъ учайсса, п1якъ учин дайсса затру хушрай виваллил иширтталсса байсса органнай диян данса операция.

Зуч1ава бухъурча битайсса ярагъ, ккулларду, п1якъ учайсса, п1якъ учин дайсса затру, ми ябансса ва лавсун занансса документругу бакъасса, зуца бюхъайссар ярагъгу, ярагъуннин аьркинсса цайми затругу лув ккаккан бувсса багърай арцух булун буч1ан Лакрал райондалий Гъумуксса Аьрасатнал МВД-лул «Лакрал» муниципалитетирттал дянивсса отделдинин ягу зула шяраву низам дуручлачисса полициялул отделданул уполномоченныйнач1ан.

Дах1аву дансса телефонну: 8 (267) 2-42-61; 8 (8722) 98-45-05; 98-44-93; 98-44-95.

Б.М.Будаев,
Аьрасатнал МВД-лул «Лакрал» МО-
рал УР-рал группалул хъунма оперупол-
номоченный, полициялул майор.

Ц1усса номер

«Ц1убарз» №5

Бувккунни Дагъусттаннал Мининформрал итабакъайсса литературалул -художестволул ва жамятрал -политикалул «Ц1убарз» журналданул сентябрь -октябрь зурдардийсса 5-мур номер.

Муний поэзиялул бут1луву ришчун дур Сибирбаг Къасумовлул, Мах1аммад Ттупчиевлул ва Мазяйхъал Казбеклул назмурду.

Прозалул бут1луву бившун бур Х1ажимурад Х1усайнаевлул новелла «Ттул къатта» ва Х1адисхъал Х1адислул «Асарду».

«Тарихрал ххутардива» т1исса бут1луву ришчун дур Мах1аммад Къурбиевлул чирчусса таварихийсса макъала «Сарир паччах1лугъ» т1исса.


Публицистикалул бут1луву ришчуну дур Хизри Ильясовлул чирчусса «Сагид Исмаиловлушачлсса ихтилат» ва «Ххадиджат Амирхановащлсса ихтилат» т1исса макъаларду. Мукунна -Имара Саидовал

чирчусса «Цуксса ьрму ххирасса бунугу, нигъач1авурт-тая махъаллил къавхъуссара» т1исса макъала. Ва дур авторнал авиатор Жабир Абакаровлушца ларъссса интер-вью.

Драматургиялул бут1луву бищлай байбивхъун бур Н.В.Гогольлул чивчусса ц1адурксса комедия «Ревизор», Х.Ильясовлул лакку марайн таржума бувну.

Критикалул ва библиографиялул бут1лувугу ришчун дур «М.Ттупчиевлул шеърирдаясса ца-к1ива махъ» т1исса Сулайман Мусаевлул чирчусса ва «М-З.Аминовлул шеърирдаясса ца-к1ива махъ» т1исса Х.Ильясовлул чирчусса макъаларду.

Номерданул мужаллатирттай ришчун дур лич1и -лич1исса литературалул зуалтрал суратру.



Ярагъгу, ккуллардугу, п1якъ учайсса, п1якъ учин дайсса затругу инсантураца машин ласлан бюхъайсса багъри

№ п/п	Наименование оружия, боеприпасов и взрывчатых веществ	Цена в руб. за единицу
1	Пистолет или револьвер	45000
2	Автомат	60000
3	Пулемет	75000
4	Подствольный гранатомет	45000
5	Ручной противотанковый гранатомет	45000
6	Одноразовый гранатомет или огнемёт	60000
7	Винтовка СВД	45000
8	Пистолет-пулемёт	9000
9	Охотничий карабин	4500
10	Охотничье гладкоствольное ружье	1500
11	Газовые пистолеты и револьверы отечественного производства	1500
12	Газовые пистолеты и револьверы иностранного производства	3000
13	Пистолеты и револьверы кустарного производства	750
14	Самодельное стреляющее устройство	8
15	Взрывчатое вещество (тротил, пластид, аммонит, аммонал и др. промышленного изготовления) за 1 грамм	3000
16	Взрывное устройство (устройство, включающее в себя ВВ и СВ)	300
17	Средство взрывания (электродетонатор, капсюль-детонатор, взрыватель за 1 шт., огнепроводные и электропроводные шнуры за 1 метр) за единицу	3000
18	Штатный боеприпас (выстрелы к артиллерийскому вооружению)	3000
19	Выстрел к РПГ	2500
20	Выстрел к подствольным и станковым гранатометам	2500
21	Ручная граната	1500
22	Мина	15
23	Патроны и боеприпасы к боевому стрелковому оружию	15000
24	Винтовка типа Мосина	